

元史本證

元史本證卷五

證誤五

蕭山汪輝祖 男繼培補

仁宗紀一

大德九年詔帝與太后出居懷州 案懷州當稱懷孟路  
至大四年正月壬子日赤如赭 案五行志當作壬辰是月  
癸酉朔無壬子

三月平章政事李道復 案道復乃李孟字紀前後俱書名  
此稱字誤

六月太尉不花 案不花進太尉在九月此不得先稱

衛王阿木哥 案宗室諸王表順宗傳俱作魏王此與皇慶

二年延祐二年三年五年俱作衛未審孰是

十月以蕪縣萬戶府鎮慶元 案蕪當作鄞

皇慶元年二月賜世祖諸王子也先鐵木兒福州路福安縣  
案也先帖木兒爲世祖子雲南王忽哥赤之子非世祖  
皇子也以下文例之蓋脫忽哥赤之子五字

三月安王完澤 案當作衛安王

四月趙王安都 案當作趙王注安部

大崇恩福元寺成置隆禧院 案武宗紀至大三年十一月  
改大崇恩福元寺規運總管府爲隆禧院此複

五月陞回回司天臺秩正四品 案百官志司天臺是年改

爲監此失書

二年二月丙申 攷證云案上二月壬戌以日攷之則丙申當在三月文無三月疑脫

六月以參知政事許思敬綱領國子學 案思當作師

給馬萬疋與幽王南忽里等軍士之貧乏者 案諸王表幽王喃忽里延祐七年襲封皇慶時不得稱幽王延祐二年六月三年十月四年正月五年九月誤同

七月安遠王亦思丹等 繼培案至大四年六月封亦思丹爲懷仁郡王安遠王則丑漢也此誤

十月壬寅 攷證云案八月戊午朔以甲子攷之壬寅當是

十一月原文無月疑脫

仁宗紀二

延祐元年廢眞陽含光二縣入英德州 案世祖紀至元二  
十七年七月併廣東道眞陽治光二縣爲英德州此疑複  
治含亦未知孰是證詳地理志五

二年七月潭州金州永州路 案金疑當作全

三年四月賜安遠王醜漢金各五百兩 案金下當脫銀字  
或醜漢下有等字

六月封床兀兒爲句容郡王 案已書於武宗紀至大二年  
正月

遼陽之葢州饑並發糶賑之 案已書于四月

八月置織佛像工匠提調所 案百官志提調當作提領

十一月澧州路安撫司 案地理志當作澧州路總管府

仁宗紀三

四年十二月家令府 案百官志府當作司志又云至元三

十一年改內宰司泰定元年復以內宰司爲家令司則是  
年當稱內宰司也

五年二月陞內史府秩正二品 案府當作院已書於至大

元年八月

四月海漕糧十萬石于義錦州 案地理志義錦是二州

以干奴史弼並爲中書平章政事 案和尚傳子干奴武宗

卽位拜平章政事商議樞密院事延祐五年致仕紀疑誤

史弼傳拜平章之年亦與紀異然傳文多誤弗敢據也

干奴

傳疑是加官宰相  
表亦無二人名

五月以御史中丞亦列赤爲中書右丞相 案下文作右丞

宰相表同此相字衍

七月烏蒙等處屯田置總管萬戶府秩正三品給銀印 案

屯田府官品已書于三年十月此時但給印耳

十月以太寧路隸遼陽省 案已書于四年四月

六年六月恭安高唐濮州淮安諸處大水 案恭疑當作泰

七月以者連怯耶兒萬戶府軍人隸東宮置右衛率府 案  
已書于五年二月志百官二兵三並在五年者連怯耶兒  
作速怯那兒

增置上都巡警院 案地理志當作警巡院

十一月增京畿漕運司同知副使各一員 案百官志又有  
運判一員

英宗紀一

延祐七年二月辛丑太陰犯軒轅御女 案五行志作辛酉  
以上己未下壬戌證之則此誤也

六月罷徽政院 案百官志五當作罷詹事院

在儲政院下

改紅城中都威衛爲忠翊侍衛親軍都指揮使司隸樞密院  
案百官志延祐元年改中都威衛使司仍隸徽政院尋  
復改屬樞密院至治元年改爲忠翊侍衛此併書于延祐  
七年誤

罷宮正司 案百官志當作府正司

九月常澧州洞蠻 案當云常德路澧州

至治元年二月汴梁歸德饑 案二月下脫于支

五月作行殿於縉山流杯池 案仁宗紀延祐三年改縉山

縣爲龍慶州此誤仍舊稱

九月中書平章政事塔失海牙坐受贓杖免 案宰相表注

正月至八月紀在九月當以事結而表則書出省之時也  
十月甲午太白經天 案以上辛丑下戊申證之甲當作丙  
英宗紀二

二年三月己巳 案上二月己亥朔此己巳當是三月朔史  
失書朔

七月陞靖州爲路 案已書于延祐四年三月

次澤源州 案澤當作渾

十月江南行臺大夫脫脫坐請告未得旨輒去職杖謫雲南  
案康皇脫脫傳帖赤喉言者劾其擅離職守將徙之雲  
南會帖赤伏誅乃解是脫脫實未嘗謫也

十一月罷徽政院 案延祐七年已書罷徽政院後三年又書罷徽政院總管府泰定元年又書罷徽政院立詹事院 屢書罷院而無復置之事必有脫誤矣

十二月己丑太白歲星熒惑三星聚于室 案五行志作乙丑以上甲子下丁卯證之則此誤也

紹興路柔遠州洞蠻把者爲寇 案地理志柔遠州隸懷德府蓋因懷德在紹慶府之下一誤再誤也

三年正月罷宣德蔚州奉聖州金銀冶 案蔚州已於至大元年陞蔚昌府

八月諸王按梯不花孛羅月魯不花曲呂不花兀魯思不花

等謀逆 繼培案張珪鐵失傳月魯不花作月魯鐵木兒  
泰定帝紀至治三年十二月流諸王月魯鐵木兒于雲南  
按梯不花于海南曲呂不花于奴兒干李羅及兀魯思不  
花于海島並坐與鐵失等逆謀可證此誤

泰定元年二月上尊諡 案泰定帝紀在二月壬申此脫干  
支

泰定帝紀一

至治三年癸巳卽皇帝位于龍居河 攷異云當書九月癸  
巳有日無月者史脫文

十一月甲寅諸王怯別遣使來朝 案已書于壬寅

十二月遼陽荅陽失蠻關關部風雹 案荅陽失蠻陽字疑

衍

泰定元年二月江浙行省左丞趙簡言請開經筵云云復敕  
右丞相也先鐵木兒領之 繼培案也先鐵木兒於至治  
三年九月爲右丞相十月誅于行在未嘗至泰定元年也  
攷張珪傳帝始開經筵令左丞相及珪領之宰相表元年  
二月左丞相乃倒刺沙此右丞相也先鐵木兒當是左丞  
相倒刺沙之誤

三月冊八八罕氏爲皇后 案后妃表入不罕 卽入 皇后宏

吉刺氏此誤以名爲氏

四月廉恂罷爲集賢大學士食其祿終身 案英宗紀至治

二年十二月平章政事廉恂罷爲集賢大學士此時當是罷集賢大學士也觀四年三月書集賢大學士廉恂復舊職可證

六月河閒晉寧涇州揚州壽春等路 案地理志涇州不稱路壽春爲安豐路屬縣此與河閒晉寧揚州並稱爲路誤十月己丑命道士修醮事 攷異云是年失書十一月己丑以後皆十一月事

十一月嘉定路龍興縣饑 案地理志當作龍游

二年二月加嗣漢三十九代天師張嗣成太元輔化體仁應

道大真人 案已書于英宗紀至治元年

參知政事潑皮爲右丞 案潑皮于元年四月由嶺北行中書省左丞爲中書左丞宰相表元年六月至二年二月爲左丞三月爲右丞蓋由左丞陞右丞非由參政除也

六月開南府阿只弄哀培蠻兵爲寇 案紀四年及地理志府並作州

七月順德汴梁德安汝寧諸路旱 案地理志德安汝寧當稱府

十月岑世興及子鐵木兒率衆寇上林等州 案地理志上林是賓州屬縣非州也

戊申周王和世疎遣使以豹來獻 案上十月戊寅朔此戊

申以下當是十一月史失書月

是歲陝西府雨雹 案以五行志證之府上脫臨洮二字然  
是年陝西雨雹又非止一府也

秦定帝紀二

三年正月招諭蠻酋黎平慶等 案二年作黎平愛

三月永平衛輝中山順德諸路饑 案地理志中山府不當  
稱路

八月兀伯都刺許師敬並以災變饑歉乞解政柄 案兀伯  
都刺爲平章政事許師敬爲左丞此失書官

龍慶路雨雹一尺 案地理志路當作州

九月鎮江路土官泥囊弟陀金客木帖路土官邱羅 繼培

案二年七月鎮康路土官你囊即泥囊謀粘路土官賽邱羅

即邱羅出降此鎮江當作鎮康謀木同聲粘帖字形相近而

誤

十一月庚子 攷異云前一月辛未朔則庚子乃今月朔日

也史不書朔脫文

丁丑諸王月思別獻文豹 攷異云丁丑後當屬十二月

四年三月命親王入刺失思出鎮察罕腦兒 案已書於元

年三月

六月遣察乃伯顏赴大都銓選 繼培察伯顏當是伯顏察  
兒之誤時與察乃同爲平章

七月參知政事不花

案宰相表姓馮

紀二二年作馮  
亨一人二名

伯顏察兒兀伯都刺以疾乞解政 案伯顏察兒官平章政

事見表兀伯都刺亦官平章紀在至治三年表在泰定元  
年兀作  
烏此時未知任何職而槩云乞解政疎矣

致和元年四月改封鹽池神曰靈富公 案已書于泰定元  
年正月

六月河南安德屯蠖食桑 案五行志安德當作德安

元史本證五

光緒十五年徐氏鑄學齋重刊

上虞王士濟校

元史本證卷六

證誤六

蕭山汪輝祖 男繼培補

明宗紀

天歷二年十二月乙巳請上尊諡 攷證云文宗紀作十月

丙申事

文宗紀一

天歷元年九月乙丑立太禧院 攷異云乙丑當作乙亥

十月雲南銀羅甸土官哀贊等來貢方物 案二年二月兩

作銀沙羅甸至順三年作銀沙羅等甸此脫沙字

罷徵政院改立儲慶使司 案百官志當作改詹事院爲儲

慶使司

在儲政院下

十一月己未 攷異云史不書朔脫文

十二月立內宰司 案百官志當作家令司

文宗紀二

二年正月以陝西行臺大夫阿不海牙爲中書平章政事

案至順元年又書以太禧宗禋院使阿不海牙爲中書平章政事則是年當是由西臺入爲宗禋院使也

二月吳王木楠子 案木楠子至順元年三月始由濟陽王徙封吳王此當稱濟陽王

六月次于上都之六十店 案六十下當脫里字下云次上

都之三十里店可證

八月太子詹事丞趙世安並中書參知政事 案宰相表參  
政注正月又左丞注十月至十二月紀於元年十二月書  
趙世安爲參知政事以表證之則二年正月以後出爲詹  
事丞至八月當由詹事遷左丞非復爲參政也

九月海南營繕提點所 案百官志營繕當作規運  
立衛候司秩正四品 案已書于泰定四年三月

文宗紀三

至順元年正月封太醫院使野里牙爲秦國公 案仁宗皇  
慶元年加崇福使也里牙爲秦國公卽野里牙蓋前爲加

銜此實封也

二月江南陝西河南等處富民輸粟補官至加以師號

案此事又見選舉志凡入粟補官條再見食貨志入粟補官之制條皆六百餘言紀宜節

改萬聖祐國興龍普明龍翔萬壽三提點所 案百官志興龍當作龍興

二月辛卯朔 案上已書二月壬午朔辛卯乃是月之十日也攷異云二月二字當屬上文給糧賑之爲句朔字衍文帝及皇后燕王阿剌忒納荅刺並受佛戒 案是年三月封皇子阿剌忒納荅刺爲燕王此先稱燕王誤

以嘉興路崇德縣民四萬戶所輸租稅供英宗后妃歲賜

案地理志縣當作州

七月開平路雨雹 案五行志作開元路

八月有言蔚州廣靈縣地產銀者 案蔚州當作蔚昌府證

詳前

文宗紀四

二年二月樞密院臣言徹里鐵木兒李羅以正月戊寅敗烏

撒蠻兵 案徹當作躍

四月眞定武陟縣地震 繼培案地理志武陟屬懷慶路其

屬眞定路者涉縣也五行志作眞定陟縣陟亦涉字之誤

五月又置臨江元江等處宣慰司兼管軍萬戶 案地理志  
臨江當作臨安

隸崇禛總管府 案百官志禛當作祥

十月往遼陽懿綿二州 案地理志綿當作錦

文宗紀五

三年二月寇會州路之卜龍村 案地理志州當作川

三月以安陸府賜井王晃火兒不花 繼培案宗室諸王表

當作晃火帖木兒

五月陞尚舍寺爲從三品 案元年五月陞正三品此陞字

疑當作降或三當作二

元統二年正月己酉上尊諡曰聖明元孝皇帝廟號文宗

案順帝紀在元統元年十一月辛亥

三月己酉祔于太廟 攷證云順帝紀作四月己卯

至元六年六月詔除其廟主放燕遐之後至削去帖古思於

高麗未至月赤察兒害之于中道 案遐字至道字四百

餘言皆順帝紀至元六年詔文錯入于此

寧宗紀

八月甲寅 案上已書八月此衍

宣政使闕里吉思爲中書左丞 案宰相表元統元年作右

丞卽是年所除紀誤

至元四年三月辛酉諡曰沖聖嗣孝廟號宣宗四月乙酉祔于太廟 案順帝紀俱在至元三年正月辛亥

順帝紀一

元統二年四月太白晝見壬午亦如之 案天文志太白上當書辛巳

八月中書平章政事阿里海牙罷 案阿里海牙是年正月由中書平章政事爲河南行省左丞相宰相表同三月爲江浙行省左丞相此復書罷誤也

十月癸亥太白犯太微上相復犯進賢 案天文志作熒惑犯太微西垣上將太白犯進賢此誤合爲一

至元元年八月以岐陽王完者帖木兒爲御史大夫 攷異  
云岐陽當作淇陽完者帖木兒乃月赤察兒之孫仍其祖  
父封號也

順帝紀二

二年三月太陰犯星宿 案天文志作心宿

七月以定住鎮南參議中書省事 案元年十一月已書定  
住參議中書省事

八月減湖馬路云云 案地理志當作馬湖路

三年三月詔以完者帖木兒蘇州之田二百頃賜郊王徹徹  
秃 案蘇州當作平江

是月天雨線 案五行志在彰德

九月辛亥太陰犯軒轅 案天文志作辛酉以上丁未下丙

寅證之則此誤也

四年二月龍興路南昌州饑 案地理志州當作縣

六月漳州路南勝縣民李志甫反 案地理志南靖注本南

勝改今名志所載俱不及順帝時事則後至元時必無南

勝之名矣

八月贈伯顏察兒云云謚忠宣 案納速刺丁傳作忠憲

閏八月太陰犯斗宿 案天文志作犯昴宿

十一月熒惑犯氏宿 案天文志在十一月辛未

順帝紀三

五年五月太白犯昴宿 案天文志作犯畢宿

六年七月散毛洞蠻覃全在叛招降之以爲散毛誓厓等處  
軍民宣撫使 案百官志作安撫司

八月以也先帖木兒爲御史大夫 案已書於正月

十一月甲子月食辰星犯東咸 案天文志犯東咸在丙寅  
辰星犯天罡 案天文志作天江

至正元年四月掠明遠縣 案地理志明當作寧

十月封阿沙不花順寧王 案本傳是追封下昔寶赤寒食

順國公當同

十一月己亥太陰犯東井 案天文志作犯東咸

二年六月壬子濟南山崩水湧 案五行志作癸丑夜

七月庚午 攷異云以八月庚子朔推之庚午爲是月朔日  
而史失書朔

十二月御史中丞張起巖知經筵事 案本傳知經筵事時  
官翰林院承旨尙未拜中丞也此誤

### 順帝紀四

三年是歲徵遺逸伯顏 案本傳在四年

六年十二月改擬明宗母壽童皇后徽號 案徽號當作尊

順帝紀五

十一年十一月孝星見于胃宿乙卯丙辰亦如之 案天文志丙辰字星見于昴宿非胃宿也

十二年二月命靈王牙安沙鎮四川 案十三年作西靈王三月河南左丞相太不花 案本傳當作河南平章政事其陞本省左丞相在十四年紀同

四川未附生蠻向亞甲洞主墨得什用出降立盤順府 案元統二年正月己書四川大盤洞蠻謀谷什用遣男謀者什用來貢方物卽其地立盤順府十一年四月盤順府土官墨奴什用降立長官司四巡檢司是立盤順府已久矣

四月翰林學士承旨歐陽元以湖廣行省右丞致仕 案本傳云將行帝復降旨不允是未嘗竟致也

十二月湖廣行省右丞阿兒灰 案當作湖廣行省參知政事見十三年其陞右丞在十四年五月

順帝紀六

十三年正月以中書添設平章政事哈麻爲平章政事 案本傳十二年八月拜中書添設右丞明年正月正除右丞宰相表同此云平章政事誤也

六月平章政事答失入都魯總四川軍 案當作四川行省右丞是年正月所陞也其陞本省平章政事在十四年三

月本傳同

九月庚子太白經天 案天文志作十月是年九月乙丑朔  
朔庚子當在十月此誤

十二月以西安王阿剌忒納失里爲豫王弟荅兒麻討南陽  
有功以西安王印與之 案阿剌忒納失里文宗天歷元  
年由西安王徙封豫王二年又以父秃剌越王印與之至  
順元年授金印鎮西番蓋以一人兼領三印實則仍守西  
安分地至此時則移駐豫王府而以西安與荅兒麻非西  
安王至此始封豫王也

十四年五月復發秃卜軍萬人命太傅阿剌吉領之 案十

三年五月有太尉阿刺吉此稱太傅疑誤

六月詔江浙行省參知政事佛家閻 案二月稱江浙行省  
右丞未審孰是

順帝紀七

十五年閏正月丙午太陰犯心宿 案天文志作丁未

二月中書平章政事定住爲左丞相 案已書於十四年十

二月

十二月壬子朔癸惑犯房宿 案天文志作癸丑

順帝紀八

十七年六月以帖里帖木兒老的沙並爲御史大夫 案帖

里帖木兒爲大夫已書于三月

十八年四月平章政事定住 案宰相表不載疑是行省

十九年正月陳友諒兵陷信州路守臣江東廉訪副使伯顏  
不花的斤力戰死之 案本傳六月自刎

二十年六月不得出嵐興州境界 案當作嵐興等州

順帝紀九

二十二年五月中書參知政事陳祖仁上章乞罷修上都宮  
闕 案本傳在二十年五月時祖仁官參議中書省事其  
官參知政事在二十四年此並誤

二十三年八月丙辰沂州有赤氣 案五行志作忻州

二十五年正月丙寅太白晝見 案天文志作丁卯

十二月庚子歲星掩房宿 案天文志作庚午以上癸亥下

辛未證之則此誤也

順帝紀十

二十七年十一月大明兵取益都路宣慰使普顏不花死之

案本傳授山東宣慰使再轉知樞密院事平章山東行

省守禦益都城陷不屈死非以宣慰使死也

二十八年四月隕霜殺菽 案五行志在奉元

閏七月白虹貫日 案五行志在冀寧文水縣

元史本證六

光緒十五年徐氏鑄學齋重刊

上虞王士濟校

元史本證卷七

證誤七

蕭山汪輝祖 男繼培補

天文志一

日薄食暈餌及日變

至元十四年十月丙辰日有食之 案紀丙辰下當有朔字

皇慶三年五月戊申日赤如赭 案紀五月甲辰至戊申

至治元年三月己丑交暈如連環貫日 案紀在二年

月五星凌犯及星變

至元二十年七月庚子熒惑犯司怪 案紀作庚午以癸丑

朔計之此誤

二十六年九月辛丑熒惑犯太微西垣上將 案紀在丙申

三十年七月辛丑太陰犯鬼 案紀當作辛巳

十一月庚子太陰犯鬼 案紀當作庚午

至大三年三月戊辰太白晝見 案紀當在四月

泰定三年九月壬戌太白犯太微 案紀當作癸亥

天文志二

至元二年十月丁亥太陰犯昴宿 案紀當作丁酉

至正十五年五月丙申太陰犯房宿距星 案紀當在三月

癸丑太白經天 案紀在三月

八月戊寅太白晝見 案紀作太白經天

二十四年八月丁未熒惑入犯鬼宿積尸氣 案紀當作乙未

五行志一

至元十七年正月磁州永平縣水 案當作永年證詳紀

二十九年六月岳州華容縣水 案紀在閏六月

元貞元年七月遼東和州水 案地理志大寧路至元五年

併和州入利州爲永和鄉此稱和州誤

二年六月真定古城獲鹿藁城等縣水 案地理志真定路

無古城當是晉州鼓城之誤

大德元年七月温州平陽瑞安二州水 案紀當作九月志

上文亦有七月此蓋刻誤

皇慶二年六月永清永安等縣雨水壞田稼 案上文書涿  
州范陽等七州縣皆大都路地理志大都路無永安縣卽  
真定路之永安州已於太宗七年廢爲棊城不得稱永安  
縣也

延祐六年六月遼陽廣寧瀋陽永平開元等路水 案地理  
志永平隸中書省不當入瀋陽開元之間

七年五月江陵縣水 案紀在七月

八月霸州文安文成二縣滹沱河溢 案地理志霸州無文  
成縣疑是大城之誤

至治元年六月霸州大水渾河溢被災者三萬餘戶 案紀  
作二萬三千三百戶

七月永平石城縣大水 案地理志永平路灤州下云先以  
石城省入樂亭至元三年改入義豐至治時不得有石城  
矣

大都固安州眞定元氏縣東安寶坻縣 案地理志寶坻縣  
東安州俱隸大都此書於眞定下又脫州字似寶坻屬東  
安誤矣

二年五月儀封縣河溢二月濮州大水 案二條誤倒本紀  
是年三月賑濮州水災此云二月亦誤

致和元年六月河間林邑縣雨水 案地理志林當作臨

大德八年八月隕霜殺稼 案紀是年八月太原之交城陽

曲管州嵐州大同之懷仁雨雹隕霜殺禾此失書地

天曆三年二月京師大霜晝雩 案是年改元至順志于此

書天曆三年下又書至順元年非例也

中統四年七月開平路興松雲三州雨雹 案紀是年五月

陞開平府爲上都此當稱上都路

至大四年閏七月宣寧路雨雹 案紀是大同宣寧縣

泰定二年五月臨洮府狄邑縣雨雹 案地理志邑當作道

三年七月房山寶坻玉田永平等縣大風雹 案地理志完

州至元二年改永平縣後復爲完州泰定時不當稱永平矣

八月龍慶路雨雹 案路當作州

至元二十八年九月襄陽南漳縣民李氏妻王一產三子

案紀王作黃

大德九年三月宜黃縣火 案紀云宜黃興國之大冶等縣火

十年武昌路火 案紀在是年十一月丁亥此失書月

延祐元年二月眞州楊子縣火 案紀在二年

至元十九年六月芝生眉州青城縣 案地理志城當作神

二十三年十月清寧進芝一本 案紀作濟寧路進芝二莖  
此誤

二十六年池州貴池縣民王逸進紫芝 案紀作王勉

元統二年正月辛未御帳殿受朝賀是夜東北有赤氣照人  
大如席 案元統當作中統事詳世祖紀紀無御帳殿受  
朝賀之文此未知何據

至大四年七月河東祈縣霖雨 案地理志當作冀寧祁縣  
皇慶元年隆興路新建縣雨 案地理志隆興當作龍興元  
年下亦失書月

中統四年八月眞定郡及洛磁等州旱 案紀郡當作路

至元元年二月東平太原平陽旱分命西僧禱雨 案紀在  
四月

五年十二月京兆大旱 案紀云是歲京兆大旱非必在十  
二月也

十八年二月廣寧北京大定州旱 案紀廣寧作遼陽懿蓋  
地理志大定爲北京屬縣此稱州誤

元貞元年七月河閒肅寧樂壽二縣旱 案紀作太原安豐  
河閒等路

泗州賀州旱 案紀在九月此接書于七月下誤  
二年八月大名開州懷孟武陟縣河閒肅寧縣旱 案紀在

七月

十二月遼東開元二路旱 案紀作太原開元河南芍陂

大德三年五月桂陽寶應興國三路旱 案地理志應當作

慶

四年平棘白馬二縣旱 案紀白馬旱在八月平棘旱在十

一月此失書月

延祐七年六月荆門軍旱 案地理志軍當作州

元貞二年六月開州長垣靖豐縣蝗 案地理志靖當作清

滑州太和州內黃縣蝗 案地理志內黃屬滑州太和乃潁

州屬縣非州也

大德八年六月益津縣蝗 案上已書八年此行

至治元年七月江都泰興古城通許臨淮盱眙清池等縣蝗  
案地理志古城僅見於荊門州非縣名清池疑滁州清  
流之誤以同隸揚州也如是滄州之清池則古城疑卽景  
州之故城同隸河閒而書法參錯亦於例不合

二年汴梁祥符縣蝗 案失書月

泰定四年十二月博興臨淄膠西等縣蝗 案地理志博興  
當稱州

致和元年四月永平路石城縣蝗 案石城誤證見上

元貞三年正月海州牟平縣獲白鹿 案地理志海州當作

寧海州

中統元年五月澤州益州饑 案益州不見於地理志

至元二十三年宣寧路饑 案宣寧乃大同屬縣非路也

二十四年十二月蘇常湖秀四州饑 案蘇當作平江秀當

作嘉興州當作路

二十七年二月開元路寧遠縣饑 案紀作寧遠等縣

二十九年二月東安固安薊棣四州饑 案紀棣作寶坻縣

三月威寧昌州饑 案威當作咸證詳世祖紀

大德八年六月烏撒烏蒙益州忙部東川等路饑 案益州

誤證見成宗紀

皇慶二年三月晉寧大同大寧四州鞏昌甘肅等郡饑 案

世祖紀至元二十八年罷雲南四州立東川府此四州當

作東川

延祐二年正月晉寧宣德等路饑 案地理志宣德當稱府

二年十二月漢陽路饑 案紀在二年正月志上已書二年

正月此二年十二月五字誤衍

五年四月上都饑 案紀作遼陽

七年五月大同雲南豐勝諸郡邑饑 案地理志無雲南豐

勝府縣名當是太同路豐州東勝州雲內州稱郡邑亦誤

八年廣東新州新城縣饑 繼培案延祐無八年此卽七年

八月之事見英宗紀新城亦當作新興見地理志

泰定元年四月江陵荆門軍監利縣饑 案地理志軍當作

州

二年三月祿施英德二州饑 案地理志祿施當是祿勸之

誤

致和元年七月威寧長安縣涇州靈臺縣饑 案地理志威

寧當作咸寧長安下縣字贅非如靈臺之隸於涇州也

至順二年六月興和路高原咸平等縣饑 案地理志平當

作寧

大德六年十二月辛酉雲南地震戊戌亦如之 案戊戌紀

作戊辰此誤

十年正月晉寧冀寧地震不止 案紀在閏正月

十一年三月道州營道縣暴雨山裂百三十餘處八月壬寅  
開成路地震 案紀並在十年

至大元年十月蒲縣靈縣地震 案紀靈作陵

皇慶二年六月京師地震己未京師地震丙辰又震壬寅又  
震 案紀丙辰當作丙寅己未上京師地震四字誤衍

延祐元年八月陟縣地震 案紀陟當作涉

五年三月己卯德慶路地震 案紀在五月

致和元年十月壬寅大寧路地震 案紀在文宗天曆二年

至順二年四月丁亥真定陟縣地一日五震 案紀丁亥當

作庚戌四月丙午朔無丁亥日也陟亦當作涉證詳紀

至元元年十月壬子恩州歷亭縣進嘉禾一莖九穗 案紀

作一莖五穗

四年十月庚午太原進嘉禾 案紀在辛未

七年夏東平府進瑞麥一莖五穗 案紀作一莖二穗三穗

五穗者各一本

二十四年八月潯州進瑞麥一莖五穗 案紀作九穗

二十六年十二月寧州民張安進嘉禾 案紀作張世安

大德九年嘉禾生應州山陰縣 案上已書大德此衍又失

書月

延祐四年七月南城產嘉禾 案紀在九月

至治二年八月蔚州獻嘉禾 案當作蔚昌府證詳紀

五行志二

水不潤下

元統二年正月 案上已書元統此衍

至元五年七月常州宜興縣山水出 案地理志縣當作州

至正十年六月霍州靈巖縣雨水暴漲 案地理志巖當作

石

十七年秋薊州四縣皆大水 案地理志薊領五縣此四縣

當書名

十八年秋京師及薊州廣東惠州廣西四縣賀州皆大水

案四縣二字疑衍或卽十七年秋薊州四縣誤複

火不炎上

至元五年秋芝草生於中書工部之屋梁 案順帝紀在十

二月

稼穡不成

至元三年八月辛亥夜京師地震順州龍慶州及懷來縣皆以辛巳夜地震 案辛亥亦當作辛巳紀書七月己亥八月戊辰則辛亥在七月也

至正三年六月秦州奉安縣南坡崩裂 案地理志奉當作

秦

歷志一

庚辰歲太宗西征 案紀庚辰乃太祖五年非太宗也

中書令耶律楚材 案紀太宗三年辛卯以耶律楚材爲中

書令太祖時未爲此官

歷志五

距太宗庚辰歲 案宗當作祖

元史本證七

光緒十五年徐氏鑄學齋重刊

上虞王士濟校

元史本證卷八

證誤八

蕭山汪輝祖 男繼培補

地理志一

中書省霸州益津

至元二年置

案紀復置在四年十二月

通州金改通州 案失書元事

龍慶州延祐三年割縉山懷來來隸大都陞縉山爲龍慶州

案紀陞龍慶州在三年九月割懷來隸龍慶州在四年

三月分龍慶州隸大都路在至順元年三月此誤合爲一

上都路中統元年爲開平府五年以闕庭所在加號上都至

元五年陞上都路總管府

案世祖紀丙辰春

憲宗六年

命僧

子聰卜地於桓州東灤水北城開平府經營宮室是憲宗時已名開平府矣陞開平府爲上都在中統四年非五年紀於陞上都下卽繼書其達魯花赤兀良吉爲上都路達魯花赤總管董銓爲上都路總管兼開平府尹是陞上都時卽稱路矣又紀至元三年七月書詔上都路總管府則陞府亦不在五年也

順寧府金爲宣德州元初爲宣寧府太宗七年改山東路總管府中統四年改宣德府隸上都路仍至元三年以地震改順寧府 案紀太宗二年立十路徵收課稅使宣德是其一無山東路之名也中統三年八月有宣德州銀冶四

年八月陞宣德州爲宣德府是宣德會降爲州非由山東路總管府改也改順寧府在順帝至元四年此云三年亦誤

保安州金爲興德府 仍至元三年以地震改保安州 案興德當作德興太祖紀屢見世祖紀至元三年亦云降德興府爲奉聖州其改保安州在順帝至元四年此云三年亦誤

興州元中統三年屬上都路 案紀上都當作開平府  
松州中統三年陞爲松州 案紀當作四年

興和路元中統三年陞隆興路總管府 案紀是年陞撫州

爲隆興府其陞路在至元四年詳證遺

永平路大德四年以水患改永平路 案紀在七年十月

撫寧

十二年復置昌黎以屬灤州今昌黎屬本縣

案本縣疑當作本路

保定路本清苑縣唐隸鄭州宋陞保州金改順天軍元太宗

十一年陞順天路置總管府 案張柔傳陞保州爲順天

府在辛丑歲乃太宗之十三年且順天府由保州陞非由

順天軍陞志並誤

攷異云保州在宋爲軍事金陞爲節度州以順天爲軍額而州名如故非改保

州爲軍也

真定路元初置總管府 案當作置真定路總管府

蓋州至元二十一年仍屬真定 案紀在二十年

晉州中統二年復爲晉州 案紀由鼓城縣陞

順德路元初改安撫司中統三年陞順德府至元元年以洛州磁州來屬二年洛磁自爲一路 案紀中統三年九月改邢州爲順德府立安撫司洛磁威三州隸焉此分設司隄府爲二又失書威州並誤廣平路下云憲宗二年爲洛磁路止領磁威二州是洛磁爲路亦非至元二年也

彰德路至元二年復立彰德總管府領懷孟衛輝四州四年又割出懷孟衛輝仍立總管 案懷慶路下云至元元年以懷孟路隸彰德路二年復以懷孟自爲一路衛輝路下又云中統元年陞衛輝路總管府淇州下又云至元三年

立衛輝路三路分合之年互異攷紀至元六年十二月析彰德懷孟衛輝爲三路則分路俱在六年志並誤

懷慶路延祐六年以仁宗潛邸改懷慶路 案紀改懷孟路爲懷慶路在文宗至順元年二月

衛輝路輝州至元三年 案至元上失書元字志類此者甚多今不盡舉

河間路景州金仍改觀州元因之至元二年復爲景州領五

縣舊屬觀州元初陞 案紀至元二年閏五月陞

脩縣爲景州縣既陞州不當復有脩縣注文疑有脫誤

東平路至元九年改下路總管府戶四萬四千七百三十一

案紀是年十二月以東平府民五萬餘戶復爲東平路

濟寧路碭山

至元二年併入單父縣三年復置屬濟州八年屬濟寧路

案紀至元八年

三月復立夏邑縣以碭山入焉此云屬濟寧路疑誤

高唐州至元七年陞州 案紀在六年

泰安州至元三十一年復立新泰縣 案紀在至大元年

益都路金爲益都路總管府 案此下失書元事詳譌遺

般陽府路中統五年陞淄州路總管府 案紀在四年

萊州中統五年屬淄萊路 案般陽府路下云至元二年改

淄州爲淄萊路此云中統五年屬淄萊路誤

登州中統五年別置淄萊路 案誤同上

冀寧路石州至元三年以臨泉爲臨州 案紀在中統三年

志臨州下同

崞州元太宗十四年陞崞州

代州元中統四年併雁門入州

臺州金隸太原路元因之

堅州金隸太原路元因之 案紀至元三年七月以崞代堅

臺四州隸忻州志與忻州並隸冀寧路必尙有沿革失攷

晉寧路岳陽

太猗氏縣屬平陽府至元三年省入岳陽縣四年以縣當東西驛路之要復置併岳陽和川二

縣入焉後復改爲岳陽縣

案紀至元四年猗氏縣當作冀氏

河中府至元十五年復置萬泉縣 案紀在十六年

解州閩嘉 案嘉當作喜

地理志二

遼陽大寧路中統三年割興州及松山縣屬上都路 案上

都路當作開平府證詳紀

東寧路至元八年改西京爲東寧府十三年陞東寧路總管  
府 案紀改政府在七年陞路在十二年

十三年割靜州義州麟州威遠鎮隸婆娑府 案紀以義州  
隸婆娑府在至元七年

河南河南府路元初爲河南府 案失書陞路事紀中統四  
年有河南路總管劉克輿是陞路當在世祖初矣

陝州靈寶

至元八年廢虢州爲虢畧隸陝州併虢畧治靈寶以虢畧爲巡檢司併朱陽縣入焉

案紀

降虢畧在八年其省虢畧朱陽入靈寶則在十年

汝寧府光州元至元二十三年同蘄黃等州直隸行省 案

紀云罷淮東蘄黃宣慰司以安慶六安光州隸淮西宣慰

使司非直隸行省也

歸德府至元二年又併穀熟入睢陽降永州爲永城縣 案

紀併穀熟在八年降永州在十一年

下邑 案紀至元八年三月復立夏邑縣此作下邑

誤下邑金改

名今

襄陽路元至元十年更襄陽府爲散府十一年改襄陽府爲

總管府 案紀陞襄陽府爲路在十年

廬州路元至元十三年設淮西總管府明年於本路立總管府 案紀淮西廬州置總管萬戶府並在十三年

無爲州至元二十八年罷鎮巢州爲縣以屬焉 案紀至元

二十三年罷鎮巢府爲巢州二十八年降巢州爲縣此于二十八年稱鎮巢州誤

安慶路至元十四年屬蘄黃宣慰司二十三年罷宣慰司直隸行省 案誤同光州詳上

揚州路至元二十二年宣慰司遂廢 案紀罷淮東宣慰司在二十三年

淮安路至元二十年兼領臨淮海寧泗安東四郡 案紀改

泗州隸淮安路在十七年

中興路唐荊州復爲江陵府宋爲荆南府元至元十三年改  
上路總管府天曆二年改爲中興路 案紀世祖至元十  
二年五月詔中書右丞廉希憲行中書省於江陵府十三  
年十二月陞江陵爲上路文宗天曆二年三月改江陵曰  
中興是元時皆稱江陵不稱荆南也

安陸府至元十五年陞 案紀在十六年

沔陽府至元十五年陞 案紀在十六年

地理志三

陝西奉元路至元十六年改京兆爲安西路總管府 案紀  
十五年改京兆府爲安西府十六年改京兆爲安西路此  
誤合爲一

大德元年移雲南行臺於此爲陝西行臺 案紀復立陝西  
行御史臺在七年元年事無攷

鳳翔府邠州宋金以來皆因之 案失書元事

鞏昌府鄆縣 案鄆當作漳

脫思麻路礪門魚通黎雅長河西寧等處宣撫司 案百官

志宣政院作長河西寧遠等處此脫遠字

四川成都路漢州德陽

至元八年陞爲德州十三年仍  
爲縣隸成都路十八年復來屬 案

紀至元八年陞成都府德陽縣爲德州十八年以漢州德陽隸成都府是德州本隸成都當由十三年改屬漢州至十八年又改隸成都也此注文蓋誤倒

沔州至元二十年廢袁州止設鐸水縣遷沔州而治焉 案

紀在二十九年

順慶路至元二十年陞爲路 案紀十六年正月以順慶等路爲四川東道疑陞路不在二十年也重慶路下云至元十六年立重慶路總管府二十一年陞爲上路疑順慶亦當如是

潼川府綿州元初隸成都路元至元二十年併魏城入本州

改隸潼川路 案紀以成都路綿州隸潼川在中統四年

此誤至元上元字亦衍

夔路 案當作夔州路

紀傳亦多稱夔路

敘州路至元十八年復陞爲路隸諸部蠻夷宣撫司 案紀

十八年陞敘州爲路隸安西省二十三年降敘州爲縣隸

蠻夷宣撫司大德七年以敘州宣慰司爲敘南等處諸部

蠻夷宣撫司志誤三事爲一

諸部蠻夷師壁洞安宣撫司 案紀至元二十八年至正十

一年並作安撫司百官志七同此誤衍宣字

甘肅永昌路元初仍爲西涼府至元十五年以永昌王宮殿

所在立永昌路降西涼府爲州 案紀至元九年諸王只  
必帖木兒築新城成賜名永昌府十年省西涼府入永昌  
路十五年降西涼府爲西涼州此誤

寧夏府路靈州宋初陷于夏國改爲翔慶軍 案失書元事  
山丹州至元六年行山丹城事二十二年陞爲州隸甘肅行  
省 案紀十三年敕山丹城直隸省部是隸省在陞州之  
前

元史本證八

光緒十五年徐氏鑄學齋重刊

上虞王士濟校

元史本證卷九

證誤九

蕭山汪輝祖 男繼培補

地理志四

雲南諸路道肅政廉訪司

大德三年罷雲南行御史臺立肅政廉訪司

案紀在

二年詳證遺

中慶路晉寧 案當作晉寧州

徹里軍民總管府大德中置 案紀在元貞二年

麗江路北勝府至元二十年陞爲府 案紀在二十五年

蒞萊州至元九年內附十六年改羅共賧爲蒞萊州 案世

祖紀至元十六年改雲南寶山崑渠爲州是未爲州之前

已名菴蕪也志于寶山州下云至元十四年以大匱七處  
立寶山縣十六年陞爲州疑菴蕪亦由縣陞

孟傑路

秦定三年八百媳婦蠻請官  
守置木安孟傑二府于其地

案紀在四年且同置

蒙慶宣慰司都元帥府于其地今蒙慶隸建昌路未詳

烏撒烏蒙宣慰司至元二十四年陞宣慰司 案紀在二十  
五年

地理志五

江浙杭州路至元二十一年自揚州遷江淮行省來治於杭  
改曰江浙行省 案百官志七遷杭州在二十一年改江

浙在二十二年

紀在二  
十八年

嘉興路宋爲嘉禾郡又陞嘉興府 案失書元陞路事

崇德州石晉置宋因之元元貞元年陞州 案紀至元十三年正月軍次崇德縣此石晉置下脫縣字

常州路宜興州至元二十一年復陞爲府仍置宜興縣以隸之元元貞元年府縣俱廢 案紀至元二十八年降宜興府爲縣則所隸之縣當廢不待元貞元年也至元上不書元而繫元于元貞亦誤

松江府上海

本華亭縣地至元二十七年置

案紀在二十八年

集慶路溧陽州唐以來並爲縣元至元十六年陞爲溧陽路 二十七年復降爲縣後復陞爲州 案紀十六年陞溧州

爲路州上脫

陽字

二十七年省溧陽路爲縣入建康志不書溧

陽陞州及後入建康皆誤

福建道宣慰使司都元帥

大德元年立

案紀在二年詳證遺

福州路至元十八年遷泉州行省於本州十九年復還泉州

二十二年併入杭州 案紀福州置省在十七年正月移

省泉州卽在是年五月此誤泉州路下誤同二十二年則

併省入江西非杭州

建寧路元至元二十六年陞爲路 案紀在十六年

漳州路至元十六年陞 案紀在十八年

江西龍興路至元十五年移省於贛州十六年復還龍興十

七年併入福建行省止立宣慰司十九年復立 案紀十

五年六月以隆興省併入福建其宣慰司除額設員數外

餘並罷去七月以塔出等行中書省事於贛州十六年移

贛州行省還隆興

志同

十七年徙泉州行省于隆興十八年

給龍興行省海青符十九年五月併江西福建行省十一

月以袁州饒州興國軍復隸隆興省是隆興之併福建在

十五年其移贛州在併福建之後復立則在十七年志誤

又志云二十一年改隆興爲龍興而十六年卽稱龍興亦

誤

宣州元至元二十三年於武寧縣置宣州分宣爲倚郭縣

案分寧當作武寧武寧下云至元二十三年置寧州縣爲倚郭可證

吉安路改吉州爲吉安路 案紀在皇慶元年此繫於元貞元年誤

贛州路大德元年寧都會昌二縣陞州割瑞金隸會昌 案紀在元貞元年

至大三年復置龍南安遠二縣屬寧都 案紀在二年石城 案紀元貞元年以石城隸寧都今隸贛州未詳

龍南 至大三年復置 安遠 至大三年復置 案紀在二年

錄事司 案紀至元二十九年正月罷南雄韶州惠州三路

錄事司志於韶州獨存誤

德慶路後屬廣東道 案紀屬廣東在至元二十九年

肇慶路至元十七年改爲下路總管府仍屬廣東 案紀屬

廣東在二十九年

英德州至元十五年立英德路總管府二十三年降爲散州

大德五年復爲路至大元年復降爲州領縣一翁源

大德五年

置 案紀至元二十七年併廣東道眞陽治光二縣爲英

德州大德四年陞廣東英德州爲路立三縣延祐元年復

書廢眞陽含光

治含當  
有一誤

二縣爲英德州五年併翁源縣入

曲江縣以紀志參攷至元時并眞陽含 爲州大德陞路

當復二縣及翁源爲三延祐元年廢二  
而獨存翁源至  
五年翁源併入曲江州無屬縣矣志至  
元年亦疑延祐  
二二年之誤

封州至元十六年立封州路總管府後  
散州仍屬東  
道 案紀立路在十七年東道當作廣東道事在二十九  
年

連州至元十九年降爲散州隸廣東道 案紀降州在元貞  
元年隸廣東在至元二十九年志誤合爲一

地理志六

湖廣武昌路至元十一年立荆湖等路行中書省并本道安

撫司十三年設錄事司 案紀至元十三年立尙書省於  
鄂州志疑譌

常德路至元十四年改爲總管府 案當作改爲常德路總  
管府

沅州路至元十四年改沅州路總管府 案紀陞路在元貞  
元年

靖州路元至元十三年立安撫司明年改靖州路總管府  
案紀元貞元年陞沅州爲路以靖州隸之延祐四年陞靖  
州爲路志有脫誤

天臨路至元十四年立行省改潭州路總管府十八年遷行

省於鄂州 案紀十六年罷潭州行省此十八年疑十六年之誤

靜江路至元十三年立廣西道宣撫司十四年改宣慰司

案紀置宣撫在十四年三月卽於五月改宣慰司

潯州路至元十六年改爲總管府 案當作改爲潯州路總管府

平樂府唐仍爲昭州宋因之元改爲平樂府 案紀大德五年陞昭州爲平樂府是大德以前尙爲昭州矣

容州 案當作容州路

象州 案當作象州路

賓州 案當作賓州路

橫州至元十六年改總管府 案橫州當作橫州路改總管

府當作改橫州路總管府

右江

源出義利州與大理大槩水通在大理之威楚州

案志雲南威楚開南路威

楚縣注至元十五年陞威州二十一年降州爲威楚縣此云威楚州誤義利州未知屬何處志亦無其名

雷州路至元十七年改安撫司爲總管府 案紀改雷州化

州高州廉州爲路此總管府上俱當書路化州高州廉州

下並同

欽州路元至元十五年置安撫司 案紀在十四年

管番民總管乖西軍民府

皇慶元年立

案紀立府在大德十一

年以乖西隸播州宣撫司在皇慶二年

播州軍民安撫司六洞柔遠等處

案六洞柔遠等處已書

於管番民總管條此複

新添葛蠻安撫司金竹等寨

案紀至元二十六年改四川

金竹寨爲金竹府志管番民總管下已有金竹府此疑複

征東等處行中書省

大德三年立

案當云復立至元時已再立

矣詳證遺

耽羅軍民總管府

大德五年立

案紀四年立耽羅總管府五年

立耽羅軍民萬戶府此誤合爲一

欽察

太宗甲午年命諸王拔都征西域欽叉阿速斡羅思等國歲乙未亦命憲宗往焉

繼培案太

宗紀七年乙未遣諸王拔都及皇子貴由皇姪蒙哥

即憲宗

征西域速不台傳云乙未太宗命諸王拔都西征入赤蠻是拔都西征亦在乙未歲也欽叉即欽察乃入赤蠻之誤  
證詳憲宗紀

河渠志一

會通河

會通河至元二十六年正月己亥起於須城安山之西南止於臨清之御河六月辛亥成賜名會通河 案紀二十六年七月辛巳開安山渠成賜名會通河與此異

兗州牐

兗州牐已見前 案會通河下僅見兗州牐之名其興建年月長廣丈尺俱未詳此云已見前誤也所敘馬之貞中文並未及建牐規制與所用工料亦太疎略

河渠志二

濟州河

三十一年御史臺臣云云阿八失所開河遂廢 繼培案紀  
罷阿八赤卽阿八失開河之役在至元二十一年

澗山湖

范殿帥朱張輩必知其故 案范殿帥名文虎朱張乃朱清

張瑄也

元史本證九

光緒十五年徐氏歸齋重刊

上虞王士濟校